

雜記

齊諧博異集異搜神等記志怪也聖人所不語惟  
休咎時恒疇徵洪範吉凶災異筆著麟經蓋天事  
之禍福視乎人事之得失人作善則降之祥作不  
善則降之殃天人之感微矣是烏可以不志也第  
事不類乎分門其軼乃時時見乎他說雜而不越  
所以補遺也述雜記

事紀

秦始皇帝三十三年置桂林南海象郡

漢高帝五年以長沙豫章象郡桂林南海為番君

灌陽縣志

卷之二十

雜記

後漢世祖十八年遣伏波將軍馬援樓船將軍段

志討徵側徵二發零陵及長沙桂陽兵

十九年破交趾九真徙其渠師三百餘口於零陵

嶺表悉平

桓帝八年桂陽賊胡蘭與荊州兵朱蓋等攻零陵

為害

陳蕃上疏曰三郡之民陛下之赤子也致令赤子為害豈非所在貪虐使其然乎宜

嚴勅三府隱覈牧守令長侵暴百姓者即便舉奏更選清賢奉公之人可不勞王師而羣

賊弭息

獻帝建安十九年零陵蔣琬劉巴悉歸備

二十二年孫權遣呂蒙取零陵桂陽長沙三郡備命

關羽拒之尋及權盟分荊州割湘水爲界零陵仍屬備 二十四年劉備改元昭烈帝

昭烈帝章武三年崩零陵等郡始附於吳

後帝延熙十八年後改元炎興元年漢亡

三國吳甘露元年以零陵南部爲始安郡 吳志孫皓傳

甘露三年分鬱林爲桂林 同上

晉懷帝永嘉元年以臨賀始興始安三郡凡二十

縣爲湘州 晉書地理志

唐懿宗咸通三年嶺南分五管廣管桂管邕管容

管安南管 通鑑

灌陽縣志 卷之二十 事紀

唐僖宗乾符六年四月黃巢陷桂管 舊唐書僖宗紀

德宗建中元年勅天下行楊炎所議兩稅法

順宗永貞元年八月柳宗元坐黨貶永州司馬

宋太祖乾德三年永州文氏女子化爲丈夫

五年春三月五星聚奎

仁宋康定元年十二月詔天下立義倉

唐代宗大曆五年夏四月裴蚪討臧玠社甫懷裴

公傳云雨來銅柱北應洗伏波軍

宋紹興五年曹成寇灌陽殺戮民人死者十八九

飭命太尉岳飛勦平於下鄉大覺寺作真陽水

陸會超度立碑紀事記係廸功郎昭州昭平縣  
簿尉巡捉私鹽茶礬蔣帖換廸功郎任昭州恭  
城縣令主管勸農公事范鯁夫題額

元至順元年二月徭賊入灌陽縣劫民財

元史文宗記

明洪武八年春正月詔天下立社學

二十七年韓觀會湖廣兵討全州灌陽諸徭斬千

四百餘人

明史韓觀傳

初灌陽縣隸湖廣因廣西平川等三十六源徭  
賊作亂攻擊縣治詔寶慶衛指揮孫宗總兵討  
平之縣丞李原慶縣志作原受因奏灌陽去湖

灌陽縣志

卷之二

事紀

二

南遠隸廣西近遂以灌陽隸桂林置灌陽守禦  
千戶所命廣西都指揮同知陶瑾領兵築城守  
之

明史土司傳

明正德十二年沈希儀破荔浦賊從副總兵張祐  
連破臨桂灌陽古田賊

國朝順治初亂賊郝永忠曹志建焦璉等踞龍虎  
關肆荼毒蹂躪生民有邑人劉需起招義勇擊  
賊屢敗之後為賊所擒竟遇害賊將及縣知縣  
杜魁林督邑人史文嗣復團練鄉勇禦之賊笑  
至杜令被獲剖之

舜葬蒼梧之野辯

范學濂

舜葬蒼梧然乎曰然何然乎爾曰舜南巡而崩就而兆宅書曰陟方乃死是也而孟子則曰卒於鳴條古牧宮地今蒲州安邑者是距蒲版都密迓禮天子死曰薨大夫死曰卒舜天子何言卒卒之爲言旣也終也盡也謂終成帝業於鳴條可也廼呂僊吟有朝遊薊北暮蒼梧句明謂薊北北也蒼梧南也馬牛其風遠不相及今按粵邑有蒼梧隸梧得名而舜墓不存焉則蒼梧非蒼梧之野審矣間嘗博稽古乘曠覽輿圖而父老爲予言度自五嶺

灌陽縣志

卷之二十

雜記

四

以東綿亘千里迄乎營道寧遠之介卓立九峯峯相似形相疑顏曰九疑其來舊矣中峯秀拔漢表碧梧亭亭樵採莫及不翅古栢之溷雨三千丈黛色之參天十二圍也世傳舜陵於是乎在歷代致祭厥有成憲是爲蒼梧之野詎不信然或曰營道古有庠也舜封象於茲篤親愛也巡而臨諸接其政也情也法也不幸賓天梓宮弗比近厝諸南天子天下爲家何地不可則理之可信事之或然者也至若靈鳥成塋象爲耕野蜂蠆護廬不經之談無容置喙至若瑟鼓湘靈竹染妃淚與

雷枯生笋異世同奇可以存而不論識者不河漢其言不

按山海經云南方蒼梧之邱蒼梧之淵

史記注作泉別

本作有九疑山舜之所葬

注山在零陵營道南古者總名其地

為蒼梧也

水經注云其山蟠基蒼梧之野異嶺同勢遊者

疑焉故曰九疑山

漢書地理志載謝沐

今永明地馮乘

今江華地屬蒼梧郡

武帝元鼎六年置零陵郡莽曰九疑

治零陵今廣西

桂林全州地

灌陽縣志

卷之二十

記附

又

漢書文穎注云山半在零陵半在蒼梧

朱子注楚詞宗

其說

唐元結九疑圖記九疑山方二千餘里世稱九

峯相似望而疑之謂之九疑

攷永州府志圖山在營道寧遠南境六十里

與山海經合

又載界廣東連州連州與蒼梧接壤

則寧遠南境去蒼梧尚無二千里故古者總

名其地為蒼梧不僅屬謝沐馮乘已也據此

則記謂舜葬蒼梧之野即西粵之蒼梧其云

之野以離蒼梧治故非西粵蒼梧之外又別

有蒼梧之野也又漢蒼梧郡吳改臨賀郡仍以謝沐馮乘屬而灌之吉寧灌合二鄉與謝沐繁隣舊爲恭城地吳屬臨賀郡卽漢屬蒼梧郡也其屬零陵郡者今下鄉古昭儀鄉是也

陸水部出塞記

湖廣監驛道 謝濟世

陸水部有罪從軍塞外單騎至歸化城賃駝有趙姓以二駝應一乘一載行李旣又曰君無僕與我三駝價僕我水部如其言立券受銀將行其一駝以馬代曰駝上下難馬易是時駝價四倍於馬水部知其給也私自念若貪財我貪路路行矣駝馬何擇焉遂行行一日趙謂曰一人難兼二役牧與炊君擇一水部領牧又數日稱疾水部炊且牧由是屢稱疾坐食夫坐食無責矣一日孟有宿餐冷熟半掇熱者去曰我不慣冷食水部笑曰汝介休

隴陽縣志

卷之二十

雜記

五

人亦不慣耶饑而自食之又十餘日食無肉罵水部佯不聞罵甚及所生水部正色言曰吾縱不才曾忝朝籍况年倍汝汝何至是詹曰晚罷職卽民耳老去死來螻蟻引領久矣尙以此傲我乎罵益甚水部掩耳走是夜至牧所坐木中雪紛紛下追憶昔時歌鹿鳴登玉陛在家妻孥相守出門童僕相隨今破帽敝裘晝行夜牧掬蹄潄飲拾馬通炊膚裘肌消手龟足皸又不幸爲鼠子所窘辱不覺涕泗交頤仰天太息曰天乎不意我陸公榮至此拔佩刀欲自刎旣又自念曰吾奉

命從軍此非吾死所從此垂頭塞耳箝口凡歷兩月  
始至既至趙繫馬汲且炊水部意其追悔也及炊  
熟自進麾水部曰既至吾事畢矣汝去有登州于  
大漢者揖水部而進之曰傷哉貴人失路若此吾  
家可主不費一錢也水部感其德是時橐中尙餘  
白金一鏰傾付之未幾主人席捲去水部遂以岐  
黃術寄食於營中

文振超捐修古塚

康熙十七年二月二十七日亂兵蹂躪地方近清  
塘村居人計二百七十八口匿於石巖避之兵

灌陽縣志

卷之二十

雜記

六

知其逃也以火熏巖匿者皆斃越三年有鼎慈  
寺僧性覺等發心收巖內枯骸作一墳瘞之築  
以石邑舉人唐納牖立碑紀其事至道光十一  
年歷一百五十二載石且圯壘暫平邑州同職  
文振超憫之仍其舊捐貲以巨石增而固之俾  
二百七十八人之骸骨歷久不散亦仁人之澤  
歟

祥異

漢元帝建昭二年冬十二月楚地大雪深五尺  
成帝河平二年夏四月楚國雨雹大如斧飛鳥死



晉咸和四年五月甲子白鹿見零陵洮陽獲以獻

宋書符  
瑞志

宋文帝元嘉元年秋八月零陵獻嘉禾異畝同穎

十二月丙辰白象見零陵洮陽宋書符  
瑞志

明天順四年桂林旱明史五  
行志

宏治元年春正月蝗李志

十年五月二十日仙源洞漲水五尺許

十一年六月丙子桂林地有聲若雷旋陷九處大

者圍十七丈小者七丈或三丈明史五  
行志

正德六年丁塘地陷二畝許深四五尺

灌陽縣志

卷之二十

祥異

七

十年閏四月初一日漲水進城四五尺

十三年四月初一日漲水進城四尺至五月初九

日又漲水進城三尺是年蠻賊起流劫鄉村

十四年恭荔寇陷城冬竹生荳角楓樹結梨子叢  
載

通志作  
宏治

十五年四月十五日漲水進城二尺

十六年桃李冬花

嘉靖元年五月十三日漲水進城三尺至十六日

又漲水進城二尺以上見  
舊志

國朝康熙二年九月初八日下鄉大營山崩水湧剗



十餘人

十五年夏有蝗入境幾傷貨物縣始立劉將軍廟  
蝗不爲災卿祖廕有記

仙釋

蔣興灌陽人早中鄉試不仕隱於仙源洞修煉不  
知所終州守顧璘嘗訪其洞得輿故棲石題詩

其上

載藝文

池道澄朝元觀道士年四十九一日晚飲酒盡數  
瓶語其徒曰吾今夜丑時一刻當別人間矣沐浴  
浴衣冠禮三清果至丑而逝

灌陽縣志

卷之二十

事紀

九

傳疑

丁三郎不知何時人相傳一日廬舍忽沉舉家盡  
爲馮夷所劫其地化爲百尋深潭因名丁塘秋水  
澄澈鄉人偶有見其廬舍者至若顯聖洞庭  
楚人像祀附於湖之龍王廟者本係三國吳丁  
奉非灌之丁三郎也明甚然灌之沉沒者亦曰  
丁三郎灌先隸楚故鄉人祀之遂謂三郎歿爲  
水神嗣是全灌渡湖者必具名投祠瞻拜從無  
風波之險商舟有裕全灌人亦私竊喜今

本朝勅封爲靖江王立有專祠夫流言決於智者

丁公之事無志似未足信然其塘可考也丁王  
卽灌之丁三郎似亦無稽然前何故具名瞻拜  
全灌之人何以獨無風波之險舟客何以偏喜  
搭全灌之人使是說果真丁公聰明正直宜於  
人無所不庇豈獨偏護全灌示篤鄉情哉或者  
丁公雖爲神靈究不忘生前出處其事跡未嘗  
筆之於書千百年後或爲異鄉援引是出處不  
明也故以無所不庇之心而尤加意於全灌所  
以默示曰吾灌人也灌隸於全皆故鄉焉使人  
因是而曉然其爲灌邑丁塘之丁三郎與

灌陽縣志

卷之二十

事紀

十

古樹

縣北六十里江西義渡兩所有古奇木樹生石上  
根盤節錯枝葉密茂如蓋渡此者愛其庇蔭幾樂  
而忘行第根大多露唐家田唐運照慮其根離石  
土而易枯也於道光十九年捐已貲鳩石以固俾  
古蹟不泯行人可長藉憩息焉

寺觀

慧明寺

在城西舊名梁興唐建宋祥符二年賜額日慧明禪寺明洪武初設僧會司景泰間僧志仁募修張圭有記

大覺寺

縣北五十五里舊名潢潭宋熙寧五年賜額曰大覺寺元至元十年重修唐堯佐有記

等慈寺

縣東四十里唐天寶元年建

定林寺

縣西八里

妙善寺

縣東六里

梵安寺

伍家灣宋太平興國五年建

青雲庵

城南三里明達石舉人蔣瑞鯉建捐田十畝入工蔣鑑有碑庵近莫周揚三姓後重修

布金寺

縣西五里

灌陽縣志

卷之二十

寺觀

十一

超覺寺

縣西六里

永寧寺

縣西六里

秀峰寺

縣東五十里隱士易希有重修

普安寺

縣東十里

舊光寺

縣東七里

鼎慈寺

水車宋咸淳五年建

淨慈寺

縣西南六十里

鹿苑寺

縣北六十里文村明成化十四年建

朝陽庵

庵內田租二百一十八桶蕭邑侯斷歸龍川書院管理每年給僧人口糧檢益穀八十桶由公議加給香燈穀二十桶合計穀一百桶

西竹庵 縣西南三十里地名巖塘

太清庵

定慧庵 縣西三里羅家坪

迴龍庵 縣北三里明正德間建李高有記

朝元觀 縣治東明洪武初建設道會司成化二十一年知縣劉麓重修譚如春有記

太清觀 縣西十五里江口明天順六年重修

怡雲庵 縣北三十里

雲臺寺 縣西三十里規模廓大為邑巨觀

會源寺 縣北七十里會湘橋側淳熙年建舊名閣裏寺年久傾圮萬曆二十六年邑人范才賢重建有記國朝雍正四年僧叔福加修經鄧鍾岳易今名范仰雲有記嘉慶五

灌陽縣志

卷之二十

寺觀

三

年建觀音堂范光禎有記

永福庵 縣東西五十里官田村東

真武觀 縣西南二十里三樹村

蓮花庵 縣西南二十里

福聖寺 縣西十五里

真覺寺 縣西南二十二里

白雲庵 縣西三十里

永清庵 縣西五十里貓兒石莫家村南雍正六年隱士莫啟富為首重建捐田十二工

掛榜庵 縣北五十五里官莊掛榜山崖下

祈陽觀 犁皮洞

重修慧明寺記

景泰癸酉年

明

張

圭

居教諭

環灌皆山也其縣南峰巒秀麗尤最而慧明寺出城西半里許上學宮而下民居面華山而挹灌水餘山羅列左盤而右距接九疑跨永道高不知其幾千萬疊其水縈旋北折而東注會三湘入湖海遙不知其幾千萬里寺之所奠形勝如此可謂壯矣是寺也其來甚遠稍諸記載先夫李唐之創始暨元至治而重修今去至治又百有四十餘紀寺名雖存其舊物暫壞繼修者誰僧會志仁義天也志出家名義天其別號灌陽昭義王家子先大覺仁灌陽縣志

卷之二十

記附

十一

寺僧也生不味葷酒自幼落髮領牒時年方十六其住持慧明寺以千戶蘇公忠舉也後官僧會司又眾所薦也自人慧明寺約十餘載靜則面壁端坐動則思緝道場昔之所未修舊之所未更者皆力爲之多方善化以充厥費乃首建無量壽佛殿次修東西廊廡外大山門諸佛天王及勅賜慧明寺匾額皆極莊嚴事在正統癸亥踰乙丑三載間也其詣北京萬壽戒壇禮欽依宗師月溪受戒得傳衣鉢南還之日則已巳歲也仰瞻大殿穹簷甍落梁棟椽題螭剝日侵羅漢像座影壁多蟲鼠穴

慨然嘆曰若俟其極而後行是用力巨矣肆景泰  
改元庚午春援疏果行不顧勞瘁周灌陽之地屆  
鄰封之鄉無門不登於是宰尹將士以下人人聲  
喜發囊多者施錢倍千而萬約者或施半而千百  
歲癸酉乃計丈數揣高低量費用卜日定方集材  
鳩工葺故鼎新進堅易朽其故物之美者雖細必  
存惡者雖大必退冬十有一月己巳工乃告成又  
構法堂廣月臺通甃羅漢座位恭奉聖壽龍亭金  
字牌位而百治俱備縣令黃梅潘公朔旦謁神於  
茲不一視功就許立石垂久遠具其事之始未徵

陽縣志

卷之二十

記附

十四

文以勒焉咨夫寺創始於李唐經世歷年震風凌  
雨詎得不朽而常新哉是在更葺之有其人耳志  
仁秉心堅貞智德可尚以緝寧寺事爲心今則眾  
務舉百廢興內外修巨細備前佛有殿萬歲有牌  
諸佛有像中有法堂東西有廊左右有房外而山  
門門表有額下而道路路旁有植一規一模盡善  
盡美整然一新燦然可觀不惟奉佛參禪之有其  
所而文武臣僚祝聖拜舞有其位矣祈晴禱雨演  
法誦經有其處矣行脚遊僧遠方而來又不患無  
其托矣至于來遊來觀者又大有竦其瞻仰侈其



心目脫其塵想而興起善心焉彼其用心實勞而成功亦大矣是故由至治而來微志仁孰興寺門之盛志仁而後微茲石又殊知何人之功哉抑佛之教言浮吾言道外吾道非吾所知也惟其形勝山水可取興修歲月可述予得而記之

重修大覺寺記

元貞元年

元唐堯佐

全州司訓

太極肇分天位乎上地位乎下人居乎中而爲天地之心也鴻荒既遠所以爲天地立心爲生民立命爲萬世開太平者吾道之功用也羲皇數聖人

以是傳堯舜禹湯文武臯夔稷契伊傅周召世至

灌陽縣志

卷之二十

記附

十五

春秋綱淪法斲宇宙晦冥如混沌未分人文未著則有夫子德合太極再造乾坤然後往聖人之絕學可繼而三綱九法得不泯焉及兩漢而老氏之教興焉至東都而釋氏之教行焉於是三教鼎立與天地相爲長久宗老氏者謂之道道有觀宗釋氏者謂之僧僧有寺猶儒之宗孔氏而有學也觀與寺又皆有三清如來殿亦猶儒學之有大成殿也昭義大覺寺舊名黃潭創於湘源未郡之先而勅賜今額實在宋德龍興治平之際如來殿興一寺之規模至熙寧壬子乃大備遂爲灌陽二十五

寺之甲子紹興重修迄今元貞乙未垂百六十七載中間淳祐景定以來興廢繼絕則有如超公長老者焉至元戊子以來喫緊葺立則有如寶院公主春焉獨如來殿將遂頽圯而工浩大非一木可支一力可成茫然無緒其徒弟行忠顧瞻咨嗟失今不圖後至愈大吾爲佛弟子寧不愧乎此念一啟俄市溪蔣公宗海上殿仰觀梁記所謂蔣公道安者實其祖喟然嘆曰殿中佛像吾家功德也諸公旣揮金而新之矣吾爲人子者又安可以時艱力匱而忘我祖之德哉歸而謀諸弟姪曰吾老矣

灌陽縣志

卷之二十一

記附

十六

不忘吾祖願揮申統鈔一錠爲之倡三公尙念祖烈其出此數可乎咸曰諾遂得鈔一百兩米二石爲起首之資行忠感之勉盡心力懇懇蔣少淵勸緣而十方檀那長者悉來助以七月戊申下工八月初十壬子起柱至一陽而告成忽踵門謂予曰三教雖不同亦各言其師也行忠不忘其師有志於斯殿而屈於力之不贍幸而蔣宗海弟姪不忘其祖十方善姓又不忘同趨於善卒之有功成就有願克滿使大覺洪基與天地相爲終始誰之賜也今將勒石以告無窮而師會祖張公闡黎君之

叔也君其念之願有述焉予嘉其志告曰如來殿不修僧之責也大成殿不修非士之責乎王通氏曰吾於夫子受罔極之恩今有出自先聖之門委學校如傳舍目擊聖殿如廢祠視行忠有醜面目否乎方今旦望必令儒生詣殿祝聖特不啻老釋弟子吾徒儒者所願學者孔氏所期望者為天地立心為生民立命為萬世開太平乃不如二氏弟子之不忘其師其可乎行忠墨者也而行則儒是可書也安得不表其志以為儒之不如墨者愧亦以為蔣之不忘其祖者勸

灌陽縣志

卷之二十

記附

十七

朝元觀記

成化二十四年

明譚如春

邑儒學博

考邑志朝元觀創於洪武之初歷年既遠或興或廢難以枚舉正統年間市民周思器張道真同本觀道士張漢清崇建殿宇塑繪神像敬粧萬壽龍牌至成化間風雨震蕩漸乏修理殿宇傾頽時道士熊震童化緣施工捐世弗果至乙巳孟冬適縣令劉侯來宰是邑越三日辦香展誠至觀一覩則傾危已甚顧千兵蘇陳輩慨然嘆曰斯觀之廢神無所棲人安所妥且灌陽圖之西南萬山環拱民謠錯處諸公職司茲土孚惠生靈必托神以默相

今觀之廢如此曷各節俸修葺眾皆曰然遂議道士周元震持疏叩邑之宦達軍民各助以共成之殿宇煥然神容燦若金碧輝煌以妥神靈以祝聖壽以資生民之福是則劉侯之盛心也元震具修舉始末囑爲記刻諸堅珉以昭令尹暨千兵倡修之功以及施資姓氏用垂永久劉侯名箎字國器湖廣淑浦人由太學生知灌陽縣事乃前大尹仕達之姪也

創建迴龍庵記

在縣北三里

明李

高邑人

灌陽爲湘南右臂邑據江山瓌麗之間治之北三

灌陽縣志

卷之二十

記附

十一

里有水曰龍川過川北去而諸峯之競麗尤甚眾峯之隈有岡躍然如驚虬游龍勢雄偉甚予友王君道生之先塋適安其吉左右二岡疾趨來拱揖環抱之羣岡又緝緝糾結蓋風氣之鍾也自塋右去北百餘步許挹兩岡之隈爽然以明煦然以溫出泉一泓甚清冽蓋天造地藏有仙風道氣然正德之五年庚午春臨濟道人圓玉來方上拜王君之先塋而喜得其地之勝壘址誅茅廬焉戒行清苦邑人駭以信向越歲丙子全州守吳郡顧東橋華玉來行縣踪跡柳子之遺至岡下憇道人廬矚

峯嵐之佳致特勝道人又清苦將之謂故千騎劉  
表宜創庵與居道人得大人君子之賞鑒也募勸  
諸姓易以椽楹不二三三年爲屋若干楹完旃檀之  
像具優曇之器有灌北諸峯之勝翼然爲香火道  
場道人方且甃泉以汲引水以田怡然以待老子  
凡兩度拜王君之塋因遊焉丹黝輝映輪囷出藜  
藋間若祥雲彩霞重爲之慨以嘆世固有六經之  
敗簡敝之以終蓋優游苟且之志多故卒坐以無  
成也道人清苦一節已懇懇而人與之盤旋荒茅  
斷巉間卒自建立如是夫人亦爲之而已母道人  
濯陽縣志

卷之二十

記附

十一

愧也庵始創於正德丙子落成於次歲丁丑道人  
號圓玉俗姓王兀兀有戒行人尤重之既畢事磨  
石鐫檀越之姓氏予爲之記如此

西竹庵記

康熙四  
十三年

王之驊

邑人  
教諭

嘗聞我佛度世惟在慈悲大眾信心卽能證佛然  
必佛土淨而後心土淨道場編而後慈雲編也如  
灌之慧明福慶諸道場建自古昔巍峩闕麗闔邑  
瞻禮爲邑慈航尙矣湖洞而上則窮鄉僻壤聾無  
鐘鼓惟白沙曲岸有芭芒田者乃先大人手置山  
莊也田皆石田地盡斤鹵廢明以來藜莠荒穢順

治十四年歲在丁酉有僧行修住錫其隈攘剔所  
至江山列秀啟闢所經黍稻薦馨結茅爲庵所夕  
經懺先大人喜之聞之前任邑侯薛公煥匾其額  
曰西竹庵後有參仰者繼而修之閱十年又值變  
亂復爲荒廢茲有自縈者請葺其址予愀然曰夫  
民神之主也今連失其稔室多懸磬奈何衲曰是  
乃諸姓善意也衲來數月諸信善會集瞻禮欣怵  
翺洽生大歡喜因憫其烏夷穿梁金風颺榻共發  
慈悲願築垣堵未幾而工竣復請予以記之予曰  
噫是卽所謂信心之妙因也子能信心卽感諸大

檀越若大眾信心未有不共證佛果者也將見心  
土淨而佛土臻道場肇而慈雲編又何慮歲之不  
登俗鮮仁壽耶聞藐姑射之山有神人焉吸風飲  
露乘雲氣御飛龍而游乎四海之外其神若凝使  
物不疵癘而年穀熟大浸稽天而不溺大旱金石  
流土山焦而不熱是其塵垢粃糠猶將陶鑄堯舜  
者也子其旦暮遇之乎遂書之以爲信心者勸

朝陽庵記

王之驛 邑人

常住猶長着也長着者何爲止觀也止能捨樂故  
能修心觀能離苦故能修慧然非藉贍於常住不

可王半山云何如直截踢倒軍持盈取瀉山蓋謂  
勿事行脚僧不離山乃能持此止觀爲無上法寶  
以演無上妙法也然而難言之蓋時有未至法寶  
未逢焉能宏啟道場瞻厥常任哉故朝陽一庵自  
昔明季買地建刹予祖安庶公獨覩於前迨本  
朝初年予父殿九公繼建於後當時雖有一二者  
鬣以常在未瞻衣鉢隨身譬如飛鳥嗚呼任既不  
常長着云乎哉今得曇印師爲之住持雖不敢遽  
謂法寶在是但見其氣岸容寂無念無營上爲  
當事所推許下爲士庶所信孚俱各現在披誠或

灌陽縣志

卷之二十 記附

三

捐資豎造或喜捨田山遂爾常在有資興建日廣  
是常在因曇師而啟則止觀亦將卽曇師而驗良  
非偶也將見浩劫巍哉法界華音其道場永肇表  
揚 當事者固自有在而常在之田與山出於某  
其之捐置功德盛勝宜先誌焉以垂永久乃爲立  
石以記之吁昔龍湖問山先感止乾任陳之囑曹  
溪衍派預承嘗水闢地之功否則道場未啟常在  
無瞻法寶難逢勝會烏覩差夫予祖與予父往矣  
予特於曇師深致意焉異其珍重自持以持此止  
觀云爾

華仙祠記

嘉慶六年

蔣卜德

邑庠生

漢醫華元化之神之廟食於千載也論者徒矜其方藥神異而於平生小術之正幽獨自矢之地或隱而未發一日李君應鵬來告曰吾鄉先未有華王廟鶴山鄭先生以事客省垣適疫癘流行醫皆束手見省垣男女惶惶趨神宇奉牲酒所方維謹已而籤下如所處劑疾罔弗瘳乃備錄其籤以歸率鵬等建祠於樂樂菴之內值時乾隆辛亥春三月也規制雅素神像既嚴置籤於龕用備祈禱於是凡百所苦視効如省垣距今十一稔鄭公歿亦

志

卷之三

記附

數年不碑而誌之懼無以示久遠願有請予繼神生於季漢之世其刀圭所活類出人意表史不能具載別傳載其爲關聖竹帛事亦異夫醫固仁術要必心慕其忠義尤樂爲盡其技耳不然如曹操之頭風旣愈而復發者豈果欲養厥疾以自重耶其就操求還也蓋深惡其人欲痛絕之以故數乞期不反及郡縣奉操勅發遣猶不肯就道旣乃以此罹禍瀕死而不悔嗟乎予讀史至此未嘗不掩卷太息怪史臣不能悉其意而以爲考驗首服夫孰知其心跡之隱固別有在與孔子曰唯仁



者能好人能惡人如神之平生非所謂得其好惡  
之正者與觀其出書一卷授獄吏曰以此活人則  
爾時耻以醫業見其意可知也惜獄吏畏法不敢  
受乃以書投諸火而無所流傳顧自漢至今幾二  
千年猶且憑於籤示方藥以濟人於戲此其人非  
挾有百折不回之氣往來宇宙間時地懸絕又安  
所觀乎神驗若是哉蓋必有所附麗以存者而非  
僅以能厭事名一世也是於法室祀爲之記猶不  
禁感慨係之

重建大覺寺壽佛殿記

唐司業人邑舉

縣志

卷

十記附

教之見信於中國也廣矣遠矣自漢迄今自大  
子迄庶人自京都邑迄鄉里無不宮而奉也香火  
之盛幾與先儒廟等倘非其道之實有足信何以  
臻此顧諸佛皆來自西竺惟無量壽佛則證果於  
東土語言文字不待譯於鳩摩羅什已可得而辨  
湘山志曰與子言孝卽孝是佛與臣言忠卽忠是  
佛與兄弟朋友夫婦言信序別卽信序別是佛嗚  
呼佛之道盡於是吾儒之道亦不外於是是其信  
而有徵較內典而甚明宜乎香火之盛與諸佛而  
並永也予一介寒儒凡一切富貴福澤之事皆歸

之於命所招德所致不敢向猊座前輕於一祈禱以爲佛既正神信之可奉之可非埋干之不可也大覺寺吾十餘邨古刹也距予家五里許夙昔僅一再至稽其創造之年則隋之大業其或修或增或易則唐宋元明代有其人其制則上下五重徧塑諸佛左右僧房俱備其常住田則予先世祖與同鄉諸先輩所捐也昔載碎棹歷歷可考聞昔松花勝會不亞湘山鄉人信斯道者咸辦香至止迺年久而蠹生亦盛極而衰兆殿宇彫殘僧人寥落昏燈寡焰鐘磬鮮聲遂有疑斯地佛之無靈者歲

志

卷

十 記附

三

壬辰予與諸君經理寺穀因得數畧於其中仰瞻壽佛一殿傾頽特甚懼佛像之或毀也始議重建之並兩廊羅漢堂次以而更焉於時有倡者有和者有總事者有分任者有輸錢穀者有施物料者有給力役者若或啟之若或成之會計得白金幾百有奇甫期年而工告竣予於是又信我佛式憑之神亦如在而因喜諸君子之信道胥篤也雖然信其道斯奉其祀奉其祀愈當信其道福善禍淫儒之道如是佛之道亦如是苟其棄而孝棄而忠棄而信序別沾沾然錢穀土木之施遂欲

佛之屈法以庇此則予之所未敢信者矣

會源寺鼎建觀音堂記

嘉慶五年庚申

邑學 郎薦光祺

僧之奉佛猶儒之尊聖也僧之建寺亦猶儒之建學焉夫教鼎立儒釋二也故崇信者亦判然自佛入中國以來信之者盈天下雖有大儒不惑於佛者排之而其教卒熾蓋佛雖言浮度亦必有道矣吾會湘橋之有寺也舊名罔裏創自宋淳熙始地曰佛蓋山掬水聞香持香鬘甚滄桑既易向之精舍紺園遂成荒榛蔓草焉明萬曆戊戌吾九代祖鷺山公傷之始始田抽貲借僧募化以址鼎

縣志

十記附

之縷刊諸珉眾久以賜非廣冒者無和

寺尚

類己公屋也遷我 國朝造佛殿於康熙戊戌者

則寺之僧寂福焉建

關行殿於雍正壬子修如

來殿於乾隆戊午者則族之嘉冉公暨僧照曦焉

木石肆興百度具舉時丐狀元鄧公鍾岳先生題

其額曰西南勝地又易其額曰會源禪林規模壯

麗色相莊嚴駸駸乎稱涅槃甲矣第歛然者觀音

堂耳乾隆壬子住持僧源桂慨然曰此地類曹溪

邇南海號曰觀音打坐形不可有名無實也遂於

最上地構之緣募銀不足多方營畫吾族眾念前

功德亦樂爲之助復於此者整之敝者新之功竣  
兪迎 文昌帝君祀焉洎今二殿肇革碧紺有招  
提蘭若之觀僉謂法雨慈雲重開象教功曷可泯  
也請記之余維聖人之道所以異於佛教者不過  
孝弟忠信爲善去惡而已乃人咸知聖道之大之  
中至教之而曰若是爲孝若是爲弟若是爲忠信  
覺千萬言語從違半焉及或遊梵刹引以天堂地  
獄之說而曰爲善者其賞爲惡者其冥罪則莫  
不然而動於其心是可以勸善懲惡者佛教也  
而教也可謂佛教之早於儒者

二十 記附

無不  
心也是心知 佛非心非佛也況斯寺如來殿外有  
關帝有一文

悲心何異於 吾難又何異於行陰騰也  
哉如日响响嘔嘔若老婦然是道其所道非吾之  
所謂道也

鄧公鍾岳山東東昌衛人康熙六十年辛丑狀  
元任浙江學院兼道政司

零邑梓人

唐永全

壽三堂

